

**BOSNA I HERCEGOVINA  
FEDERACIJA BOSNE I HERCEGOVINE  
V L A D A**

**PRIJEDLOG**

***ZAKON O IZMJENAMA ZAKONA O ČEKU***

**Sarajevo, maj 2015. godine**

## **PRIJEDLOG ZA DONOŠENJE ZAKONA PO SKRAĆENOM POSTUPKU**

Predlažemo da se Zakon o izmjenama Zakona o čeku razmatra i donese po skraćenom postupku, u skladu sa odredbom člana 172. stav (1) Poslovnika Predstavničkog doma Parlamenta Federacije Bosne i Hercegovine („Službene novine Federacije BiH”, br. 69/07 i 2/08) i člana 164. stav (1) Poslovnika o radu Doma naroda Parlamenta Federacije Bosne i Hercegovine („Službene novine Federacije BiH”, br. 27/03 i 21/09), koje predviđaju da se zakon može donijeti po skraćenom postupku kada nije u pitanju složen i obiman zakon.

Ovim prijedlogom vrši se usklađivanje Zakona o izmjenama Zakona o čeku („Službene novine Federacije BiH”, broj: 32/00) sa kaznenim odredbama Zakona o prekršajima („Službene novine Federacije BiH”, broj: 63/14).

## **ZAKON O IZMJENAMA ZAKONA O ČEKU**

### **Član 1.**

U Zakonu o čeku ("Službene novine Federacije BiH", broj: 32/00), u članu 28. u stavu (1) broj: „1.000,00“ zamjenjuje se brojem: „20.000,00“, a broj: „5.000,00“ zamjenjuje se brojem: „100.000,00“.

U stavu (2) broj: „100,00“ zamjenjuje se brojem „5.000,00“, a broj: „1.000,00“ zamjenjuje se brojem „15.000,00“.

U stavu (3) broj: „100,00“ zamjenjuje se brojem: „1.000,00“, a broj: „500,00“ zamjenjuje se brojem: „5.000,00“.

### **Član 2.**

Član 29. briše se.

### **Član 3.**

U članu 30. u stavu (1) broj: „5.000,00“ zamjenjuje se brojem: „20.000,00“, a broj: „5.000,00“ zamjenjuje se brojem: „100.000,00“.

U stavu (2) broj: „100,00“ zamjenjuje se brojem: „5.000,00“, a broj: „2.000,00“ zamjenjuje se brojem: „20.000,00“.

U stavu (3) broj: „100,00“ zamjenjuje se brojem: „3.000,00“, a broj: „1.000,00“ zamjenjuje se brojem: „10.000,00“.

### **Član 4.**

Ovaj Zakon stupa na snagu narednog dana od dana objavljivanja u „Službenim novinama Federacije BiH“.

# O B R A Z L O Ž E N J E

## I. USTAVNI OSNOV

Ustavni osnov za donošenje Zakona o izmjeni Zakona o čeku je u članu III. 1. tačka c. koji je izmijenjen amandmanima VIII, LXXXIX i CVI i članu IV. A 20. (1) d) Ustava Federacije Bosne i Hercegovine, prema kojima je u isključivoj nadležnosti Federacije Bosne i Hercegovine donošenje propisa o finansijama, a Parlament Federacije BiH uz ostala ovlaštenja predviđena Ustavom, odgovoran je za donošenje zakona o vršenju dužnosti u federalnoj vlasti.

## II. RAZLOZI ZA DONOŠENJE ZAKONA

Razlozi za donošenje ovog Zakona su sprječavanje nezakonitih radnji kod trasiranja i izdavanja čekova kroz povećanje iznosa propisanih novčanih kazni za pravna i fizička lica na koja se odredbe ovog Zakona odnose.

## III. USKLAĐENOST PROPISA S EVROPSKIM ZAKONODAVSTVOM

Predmet izmjena ovog Zakona nije usklađivanje sa propisima Evropske unije, s obzirom da se radi o novčanim, kaznenim odredbama.

## IV. OBRAZLOŽENJE PREDLOŽENIH NORMI

### Čl. 1. i 3. (čl. 28. i 30. Zakona)

Izmjenom ovih članova povećavaju se iznosi propisanih novčanih kazni, a u skladu sa novim Zakonom o prekršajima.

### Član 2. (član 29. Zakona)

Članom 2. predloženo je da se odredbe člana 29. Zakona o čeku brišu iz razloga što su iste regulisane članom 271. Krivičnog zakona FBiH („Službene novine Federacije BiH“, br. 36/03, 37/03, 21/04, 69/04, 18/05, 42/10, 42/11, 59/14 i 76/14).

### Član 4.

Ovaj član se odnosi na stupanje na snagu Zakona i objavljivanje u „Službenim novinama Federacije BiH“.

## V. FINANSIJSKA SREDSTVA

Za donošenje ovog zakona nisu potrebna dodatna finansijska sredstva iz budžeta Federacije Bosne i Hercegovine.

## **ODREDBE ZAKONA O ČEKU KOJE SE MIJENJAJU**

### **X - KAZNENE ODREDBE**

#### **Član 28.**

(1) Novčanom kaznom od 1.000 KM do 5.000 KM kaznit će se za prekršaj pravno lice:

- 1) koje trasira ček bez datuma ili s neistinitim datumom izdavanja,
- 2) koje ček iz tačke 1. stav 1. ovog člana iako zna za njegove nedostatke preuzme, prenese ili isplati,
- 3) koje trasira ček protivno odredbi člana 5. ovog zakona,
- 4) koje pretvori poseban precrtaj u opći ili izbriše bilo precrtaj bilo ime označene banke (član 20.).

(2) Za prekršaj iz stava 1. ovog člana kaznit će se i odgovorno lice u pravnom licu novčanom kaznom od 100 KM do 1.000 KM.

(3) Za prekršaj iz stava 1. ovog člana kaznit će se i fizičko lice- izdavalac čeka, novčanom kaznom od 100 KM do 500 KM.

(4) Za prekršaje iz stava 1. ovog člana, može se, u srazmjeri sa visinom pričinjene štete ili neizvršene obaveze izreći novčana kazna najviše do dvadesetostrukog iznosa pričinjene štete ili neizvršene obaveze koja je predmet prekršaja.

#### **Član 29.**

(1) Novčanom kaznom od 1.000 KM do 10.000 KM kaznit će se za prekršaj pravno lice:

- 1) koje kao trasant čeka izda ček za koji nema uopće ili nema dovoljno pokrića,
- 2) koje kao trasant čeka, iako je znala da ček ne može pravovaljano opozvati, tako raspolaže pokrićem da onemogući isplatu čeka (član 18.).

(2) Za prekršaj iz stava 1. ovog člana kaznit će se odgovorno lice u pravnom licu novčanom kaznom od 200 KM do 2.000 KM.

(3) Za prekršaj iz stava 1. ovog člana kaznit će se i fizičko lice - izdavalac čeka, novčanom kaznom od 200 KM do 500 KM.

(4) Za prekršaj iz stava 1. ovog člana može se u srazmjeri sa visinom počinjene štete ili neizvršene obaveze izreći kazna najviše do dvadesetostrukog iznosa pričinjene štete.

(5) U slučaju iz stava 1. ovog člana trasant je dužan imaću čeka nadoknaditi štetu (član 7.).

#### **Član 30.**

(1) Novčanom kaznom u iznosu od 1.000 KM do 5.000 KM kaznit će se za prekršaj pravno lice ako postupi protivno odredbi člana 31. ovog zakona.

(2) Za prekršaj iz stava 1. ovog člana kaznit će se i odgovorno lice u pravnom licu novčanom kaznom u iznosu od 100 KM do 2.000 KM.

(3) Za prekršaje iz st. 1. i 2. ovog člana kaznit će se i fizičko lice novčanom kaznom u iznosu od 100 KM do 1.000 KM.